




## Gwendy Sneek

*Un Artista Natural, cu ta refleja un realidad spiritual*



Den su Exposicion "Mystique 2006" A manifesta e expresion di un mundo mas aya di e realidad cu nos por mira cu nos wowonan.

### GWENDY CONTA NOS UN POCO DI BO

Mi a nace na Aruba, mi a termina Colegio H.A.V.O.- 5, despues cu mi a caba Mon Plaisir Baisschool. For di mi mama (q.e.p.d.) mi a hereda e habilidad y curiosidad pa medicina natural. Na Hulanda mi a 'polish' esaki cu diferente curso y despues tambe un scol pa Medicina Natural y Desenvolvimento Intuitivo, te yega na tin un praktijk priva. Na e mesun momento mi tabata pinta tambe y mirando cu tur dos pasion ta trabounan hopi exigente y ta tuma basta tempo, mi mester a dicidi di keda cu un. Mi no a haci choice, si no cu mi a combina nan dos. Atraves di mi arte mi por muestra un poco di e mundo mistico cu ta envolve e mundo di medicina natural.



### GWENDY ACTUALMENTE BO TA BIBANDO NA BRASIL?

Si, na unda mi a sigui otro cursonan trahando cu materialnan manera graphite, pastel, gouache etc., mi a bin Aruba pa tres luna, pero te ainda mi tei y mi tabata tin e oportunidad pa expone di nobo.

### BO SEGUNDA EXPOSICION "MYSTIQUE"


E biaha aki mi a experimenta cu e medio acrylic y nos dos a gusta otro asina hopi cu mi a dicidi di use pa 'Mystique'. Mi a cuminsa studia for di boekinan di biblioteek na luna di September aña pasa, absorbiendo tur informacion cu mi por a haya riba e material aki. Despues na December mi a cuminsa test e material haciendo algun studies pa sa con e ta den practica. Segun mi tabata trahando riba e studie-nan, a cuminsa forma ideanan riba e tema.

### GWENDY CON A NACE E DESEO DI PINTA?

For di chikito mi a gusta pinta. Arte en general semper a hala mi atencion, mi a lanta den un famia hopi artistico. Locual ta canto, toca instrumentonan musical tabata y ta parti di famia Sneek. Mi mes a 'teste' diferente disciplina manera baile, skirbi, pero finalmente e mi a scohe pintura artistico.



Advertentie




# Un Dia den Bida

## cu Poentje Castro

Diahuebs pa 9:00 anochi Repiticion Diadomingo pa 5'or atardi.

**Cel.: 592 2362** E-mail: [undiadenbida@setarnet.aw](mailto:undiadenbida@setarnet.aw)





**BO TA PAPIA RIBA E TEMA DI E EXPOCICION?**

Si, e tema tabata t'ey caba cu ta inspira riba un manuscrito propio cu ta toca e ser humano y accento principal ta riba su spiritualidad y tur loke esaki ta encera.

Cu 'Mystique' mi kier hala atencion di e ser humano en general y Aruba en particular riba e hecho, cu no ta importa di unda bo ta bin, cual ta e color di bo cuero of kico bo ta kere den. Tin un cos cu ta conecta nos tur cu otro y esey ta Spiritualidad. Cu tras di e cosnan material di tur dia cu nos por mira of tende,

tin mucho mas! E ser humano no ta biba unicamente riba un planeta 3-D, sino cu e comparti otro mundonan den diferente dimensionnan, loke ta hasi'e un ser humano completo: multi-dimensional.

**CON A BAI CU EXPOSICION NA BIBLIOTECA?**

Mi ta bisa cu e tabata un exito y mi kier gradici esnan cu a yudami di un of otro forma. Y mi ta gradici e publico cu a bishita 'Mystique' durante e 3 siman cu e tabata den Biblioteca Nacional., pues mi guestbook a jena te 'bai over' cu mi a haya mi ta pone mas blachi acerca. 'Mystique' ta duna mi hopi satisfacion y a wordo haci cu hopi amor.



Un palabra di gratitud ta bai pa sr. Lio Booi y sr. Nigel Matthew kendenan a yudami cu conseho y no solamente a sa di balora mi trabou como tambe mi persona. Un sunchi grandi y masha danki.

**UN CONCEHO PA ARUBA**

Por ultimo, mi conseho pa Aruba ta: busca tambe bo esencia spiritual. Acepta res-

ponsabilidad pa locual cu bo ta y ta crea. After all, e bida cu bo ta bibando awo, ta bo mes a cre'e den tur sentido.


Pero mas cu tur cos, biba cu alegria, biba conciente cu tur locual bo pensa of haci tin su retorno y ta pa bo mes e ta bin bek.



Advertentie

# HOT RADIO

**The All New**  
**COOL FM**  
*Aruba's Party Station*  
**98.9**



Cava G.F. (Betico) Croes n° 23 - T: 583-3100 / 583-3111 - F: 583-3101 - [www.coolaruba.com](http://www.coolaruba.com)

